


SISA



***Ukiut
10-t***



SISA

Imai:

Siulequt	3
Oqaluttuarisaaneranit tigusilaarneq	4
SISAmi ilaasortaqaernerup ingerlanera ilaasortallu ukioqqortussusii	6
Maleruagassiat	8
Ileqqaakkanut akilersuutit	10
Aningaasaliissuteqartarneq	12



SISA

SULINERMIK INUUSSUTISSARSIUTEQARTUT
SORAARNERUSSUTISIAQALERNISSAMUT
ANINGAASAATEQARFIAT

Box 9 · 3900 Nuuk · Telefon 32 40 22 · Telefax 32 71 30
sisa@sisa.gl · VIR263019 · SE 11 80 79 25

PISINNAATITAAFFITIT ILISIMAKKIT

Soraarnerussutisiassanik aningaasaateqarfik akunnaatsunik ukioqalerpoq

Sulinermik Inuussutissarsiuteqartut Soraarnerussutisiaqalernissamut Aningaasaateqarfiat SISA ukiut qulit matuma siornatigut sivisuumik peqqissaartumillu piareersarneqareerluni aallartippoq, taamalu Kalaallit Nunaanni sulinermik inuussutissarsiuteqartut aningaasatigut toqqissisimallutik utoqqalinissamik neriutissaqalernissaannut, soraarnerussutisiat aningaasatigut tunngavigissaarluni utoqalinermi tapertaalluarfigisasannut ikiorsinnaalerneranniit ukiut qulit qaangiullutik.

SISA ullumikkut 29.000-inik ilaasorta qarpoq, neriuppugullu suli amerlanerungaartut ilaasortanngorumaartut.

Oqartoqartarpoq SISA-mit soraarnerussutisiassat amerlagisassaangitsut. Kisianni illisi ukiualunnguit qaangiuppata soraarnerussutisiassat imaluunniit ullumikkut soraarnerussutisiassat tamassi eqqarsaatigeriarsiuk ukiuni ikittuaraannannguani akilersuisimagassi. Taamaammatt soraarnerussutisiassat utoqqalinersianut tapertaannartut isigisariaqarput. Utoqqalinissannut eqqanaarsarniaruit maannangaaq ileqqaalertariaqarput. Soorunami ukiuni amerlanerusuni ileqqaarsimaguit qaqugu soraarnerussutisiassat aningaasaateqarfimmi uninngasuuteqarnerussagavit nalunangilaq. Inuusuttut utoqqaliumaarnissartik ukiorpasuit qaangiunneranni aatsaat pisussaq eqqarsaatigineq ajormassuk paasilluarsinnaavara. Kisianni taamaakkaluartoq 65-ileereeruit qanoq inuujumanerlutit takorlooriassagit. Feriarlutit angalasarnissannut akissaqarusuppit? Ilaquttanut tikeraarusuppit? Nutaanik atisarsilaartarnissannut? Taamaassimappat ileqqaagaqarnissaq ajunngilluinnartussaavoq, tassami atugarissaarlutit inuunerit soraarnerussutisiassanik ingerlatiinnarsinnaassagit qulakkeerniassagaku. Qaammammullu amerlasoorsuunngikkaluani akiliuteqartaruit – sinneri sulisitsisivit akilissavai – taava ullut ilaanni atorfissaqartilerukkit aningaasaparujussuunngorsimassapput.

Nunarsuaq tamakkerlugu aningaasaqarnikkut ajornartorsiorneq misinnaqaaq, tamanalumi aamma SISA-mi malugisinnaasimavarput, soraarnerussutisiassanik aningaasaateqarfiit allat assigalugit aningaasaliissutimigut annaasaqartarsimammatt. Kisianni soraarnerussutisiassanik ileqqaarneq ungasissorujussuaq isigalugu aningaasaliineruvoq, ileqqaakkavillu atorfissaqartilnnginnerini pissutsit arleriaqalutik allannortartussaapput. Illit aningaasaatit SISA-mi sapinngisamik pitsaanerpaamik aningaasaliissutigisarpavut, aamma SISA aningaasarsiornermigut pitsaallunilu ernumanaatsuuvoq.

Naqitannguami matumani ukiut siulliit qulit ingerlaneranni killiffippat maannamullu suliarpit oqaluttuaraaassavavut. Atagu uiagassaq inngigissoq siulleq nalliusseriartigu, siunissamilu ukiut ajunngitsut suli amerlanerungaartut atorumaakkavut qilanaaralugit.

Ajunnginnerpaamik inuulluaqqusillunga

Jess G. Berthelsen

Siullittaasoq

WWW.SISA.GL

Oqaluttuarisaanerani tigusiarneq

Sulinermik Inuussutissarsiuteqartut Soraarnerussutisiaqalernissamut Aningaasaateqarfiat SISA Kalaallit Nunaanni suliffeqarnermi soraarnerussutisiassanik toqqorteriffittut siullerpaatut 1999-imi aallartimmalli ilaasortat atugarisassaasat pitsaanerpaannngortinniarlugit ilungersoqaluta sulisimavugut. Soraarnerussutisiassanik toqqorterineq sulinermik inuussutissarsiuteqartut kattuffiata SIK-p aamma pisortat namminersortullu suliffiutaasa arlalippassuit – suliffiit 200 sinnillit soraarnerussutisiassanut ilannguttussanik SISA-mut akiliisarput – akornanni isumaqatigiissutaasoq SISAp allaffissornikkut aqutaraa.

SISAmi tunniunneqartarput

- Utoqqalinermi soraarnerussutisiat

Ilaasortaq soraarninngoraangat soraarnerussutisiassat tunniunneqartarput

- Aappaasup soraarnerussutisiassai (pensionsregulativ I)

Aappaasumut qimataasumut pensionisiassat ukiuni qulini tunniunneqartarput

- Siusinaartumik soraarnerussutisiat

Ilaasortaq siusinaartumik soraarninngoraangat soraarnerussutisiassai tunniunneqartarput

- Meeqqap soraarnerussutisiassai

Meeqqat ilaasortamit kingornussisut imaluunniit pilersugaasut

- Ileqqaakkanik qularnaarinnineq (pensionsregulativ II)

Ilaqutaasut qaninnerpaat immaqaluunniit salliutit ilaasortaq soraarninngorfissani suli nallingitsoq toquppat soraarnerussutisiassai kingornutissa-vaat

- Napparsimanermi akiliuteqartitaasanninngineq

Ilaasortaq napparsimalluni sulinnginnermini soraarnerussutisiassaminut akiliisariaqanngilaq

Ilaasortat 1999-ip aallartinneraniilli amerliartorusaartuarsimapput, ullumikkullu 29.000-inik ilaasortaqarpugut. Taakkua ilaat 16.000 ilaasortaapput, sinneri tassaallutik akilersuinngikkallarlutik ilaasortaasunik taaneqartartut, tassa

imaappoq soraarnerussutisiassanut qaammatit arfinillit sinnerlugit aki-liuteqarsimangitsut. 2008-mi SISAmi ilaasortat 46-t ingerlaavartumik so-raarnerussutisiaqartinneqarput.

SISAli suli amerlanerusunik assut ilaasortaqaqalerusuppoq, aamma inuusunne-rusunik ilaasortaqaqalerusupugut. SISAmi ilaasortat ukiuisa agguaqatigiinne-rat 39-uvoq, taamatullu ukioqqortussuseqarneq aallarteqqaarnitsinniilli allanngorarsimangilaq.

SISAp ilaasortai ileqqaallaqqissuupput. SISA taamani 1999-imi aallartimmat ilaasortat tamarmik immikkut agguaqatigiissillugit ukiumut 2.167 kr.-nik toq-qortaqaqarput, taakkualu agguaqatigiissinnerat 2008-mi 9.805 kr.-nut qaffassi-mavoq. Siuarlaat tamanna ajunngeqaaq, ilaatigut akissarsiatigut siuariartor-nermik peqquteqartoq, aammali pingaartumik soraarnerustisiassanut aki-liutaasartut procentiata akissarsiat pillugit isumaqatigiissutitigut qaffanne-ranik peqquteqarnerpaasoq.


SISAp allaffia Nuummiippoq, tassanilu sulisuusut pingasuupput ullut tamaasa apeqqutinik akiuillutik soraarnerussutisiassanullu tunngasutigut nutaarsiassa-nik nutaanerpaanik tusarliillutik ilaasortanik ikiuisarnissaminnt qilanaartuar-tut. Sianerisi, mailerisi imaluunniit alakkarisi, ikiussallusi piareersimavugut!



SISAmi ilaasortaqaarnerup ingerlanera ilaasortallu ukioqqortussusii

Kikkut SISAmi ilaasortaappat? Kisitsisit titartakkallu atorlugit tamakku ersersissagutsigit takusinnaavarput SISA ukiut qulit matuma siornagut 22.000 miss. ilaasortaqaarsimasoq, ilaasortallu ullumikkut 29.000-inngorlutik amerliar-torsimasut. Kisitsit taanna aallartinnermiilli qaffakkiartorusaartuarsimavoq, taamaattorli 2008-mi milleriatsiarsimalluni. Taama milleriarnernut peqquti-tuaavoq SISAp siulersuisui aalajangermata ileqqaakkat 1.000 kr.-nit ikinneru-sut sivirusumik akiliuteqarfigineqarsimanngitsut inuttaannut tunniunneqassa-sut. Taama aalajangernerup kinguneranik ilaasortat 2.193 anipput. Taamaalil-luni 2008-mi ilaasortat soraarnerussutisiassaminnut akiliuteqartartut 15.271-iupput, ukiumi siuliani 700 miss. amerlanerusimagaluarlutik. Siorna ilaasortat 13.527 akiliuteqassanatik ilaasortaalerput, tassa 2007-mut naleqqiullugit 600 miss. ikinnerusut. Ilaasortat 11.800 miss. qaammatit tamaasa soraarnerussuti-siassaminnut SISAmut akiliuteqartarput.

Ilaasortat kisitsisingorlugit




Ilaasortat amerlanersaat sulineramik inuussutissarsiuteqartuupput SIK-mik isu-maqatigiissutit arlaat naapertorlugu akissarsiaqartut.

Ilaasortat agguaqatigiissillugit 39-nik ukioqarput. Angutit arnanit amerlanerutsiartut ileqqaartuupput, tassa angutit 51 % arnallu 49 % akiliuteqartaramik. Kisitsisit taakkua 1999-imi aallartinnermiilli taamaattuarsimapput. Naatsorsuinerit kingulliit naapertorlugit pissuseqatigiit amerlanersaat 41-niit 50-inik ukioqartuupput, pissuseqatigiit amerlanerit tulliit inuusuttuullutik 20-30-nik ukiullit, ikinnerpaallutillu 60 sinnerlugit ukiullit.

Ilaasortat agguataarneqarnerat

Pr. januar 2009



Siunissami qanorpiaq pisoqarumaarnerisq soorunami oqaatigiuminaappoq, kisianni ilaasortat amerliartuaarnerat ingerlaqqissasoq ilimanartorujussuuvoq. SISAp siunissami ilaasortannngortarumaartut tikilluaqquai.



Maleruagassiat

Soraarnerussutisiaqarneq pillugu maleruagassiaq nutaaq (II) 2007-imi januaariimi atuutilerpoq, tamatumani allannguutit pingaarnerpaat ilaat matumani eqqartorneqassapput. Taama aqqissuussineq ilaasortanut januaari 2007 kingoqqullugu ilaasortannorsimasunut, imaluunniit soraarnerussutisiassanik toqqorterinertik 'pisoqaaq' soraarnerussutisiaqarneq pillugu malittarisassiamut nutaamut nuunniarlugu aalajangersimasunut atuuppoq.

Qaniginerusavit imaluunniit salliutitavit soraarnerussutisiassatit kingornutissavaat

Nutaatut taasassaavoq sulii soraarnerussutisiassanik nallinngitsaq toqussagaluaruit illit aappavit/inooqativit, meeqqavit, kingornussisussat qanittut allat imaluunniit immikkut salliutitassanngortitat soraarnerussutisiassattut ileqqaakkatit kingornussinnaalermatigit.

Meeqqat soraarnerussutisiassanik pisussat ukiui qaffapput

Ilaasortaqaq nammineq akissarsiaminit minnerpaamik 4,5 procentinik soraarnerussutisiassaminut akilersuisimasooq toquppat taassuma soraarnerussutisiassamisut akilersorsimasai meeraasa aalajangersumik ukioqqortussuseqarfissaq tikillugu ukiullit kingornutissavaat. Ukioqqortussuseq taanna 21-niit 24-nut allanngortinneqarpoq. Meeqqat soraarnerussutisiassaat meeqqamut ataatsimut utoqqalinersiassatut pisassaritinneqartut 10 %-erissavaat (angajoqqaat tamarmik toqusimappata 30 %). Soraarnerussutisiassanik pissarsisinnaaneq aamma meeqqanut, ilaasortap sivikinnerpaamik qaammatini 12-imi pilersugarisimasaanut atuuppoq.

Soraarnerussutisiaqalersussat ukiui qaffapput

Soraarnerussutisiassanik pillugit malittarisassiami I-imi 60-inik ukioqaleraanni soraarnerussutisiaqartoqarsinnaalersarpoq, tassa taamatut ukioqaleraanni utoqqalinersiassanik tiguisoqartalersinnaalluni. Tamanna maanna allanngortinneqarpoq, taamalu soraarnerussutisiaqalernissamut ukioqqortussusissatut Inatsisartut aalajangigaat malittussanngorlugu. Ukioqqortussusissaq taanna 2009-mi ukiunut 65-inut aalajangersarneqarpoq.

Toqqarneqarsinnaasut arlallit

Nutaatut taaneqassaaq periarfissat assigiinngitsut pingasut arlaat toqqarsinnaalerakku. Piumagaanni ukiuni qulini siullerni amerlanerulaartunik soraarnerussutisiaqartoqarsinnaavoq, taavalu kingornagut piffissap sinnerani ikin-

nerusunik pisartagaqarluni. Aamma toqqarsinnaavat ukiuni marlunni ingerlaavartumik soraarnerussutisiassavit ataatsikkut tigunissaat, tamatuma kingornagut piffissap sinnerani ikinnerumaartunik pisartagaqartussanngorlutit. Kiisalu aamma toqqarsinnaavat soraarninngorninniit ukiuni aggersuni nalinginnaasunik soraarnerussutisiaqarnissat.

Soraarnerussutisiat pillugit malittarisassat pillugit nittartakkatsinni www.sisa.gl imi annerusumik paasisaqarsinnaavutit, naqitaaqqiamik nassinneqarsinnaalutit, imaluunniit allanik apeqqutissaqaruut attavigisinnaalluta.




Ileqqaakkanut akilersuutit

Ilaasortat ukiut ingerlanerini SISA-mi ileqqaarsimapput, ilaasortallu amerlanerujartuinnartunik ileqqaagaqarnerat nuannaarutigaarput. Tamatumunga soorunami peqqutaapput akissarsiat ileqqaakkanullu akilersuutit procentiisa qaffakkiartornerat. Ukiut qulit matuma siornagut aallartinnermi ilaasortat tamarmik ataasiakkaarlutik immikkut ukiumut 2.167 kr.-nik akiliisarput, kisitsilli taanna 2008-mi 9.805 kr.-nut qaffassimalluni.

SISAmi ilaasortaaguit akissarsiaavit 5 – 7,2 %-iisa miss. soraarnerussutisiassanut amerlanertigut akiliutigisarpait, amerlanertigullu taakkua 2/3-ii sulisisivivit akilertarpei. Taamaattorli akissarsiat pillugit isumaqatigiisummut sorlermut atanerit apeqqutaavoq. Illit namminerpiaq akissarsiat pillugit isumaqatigiisut pillugu annertunerusumik paasisaqarusukkuitt nittartagaq www.sik.gl alakkarsinnaavat.

Ilaasortat 1999 - 2008 toqqortaat



Ilaasortat ileqqaagaat SISAp aningaasaliissuteqartarnerisa kingunerannik soorunami amerliartortuarput. 2008-mi ilaasortat ileqqaakkanut toqqortaat 116 mio. kr.-nngorlutik amerlisimapput. Akissarsiat pillugit isumaqatigiisutitigoortumik qaffaanerit ilaasortat aningaasanik amerlanerujartuinnartunik

ileqqaarnerinut nassuiaatigineqartup saniatigut siuariartornermut aamma nassuiaatissaavoq SIKp 2008-p ingerlanerani suliffinnut nutaanut allanut arlalinnut isumaqatigiissuteqarnera.




Aningaasaliissuteqartarneq

Illit aningaasaatitit SISAmiitikkukkit isumannaateqanngillat. Aningaasaliissuteqartarpugut aarlerinaataasinnaasunut sanilliullugit sapinggisamik pitsaernerpaamik angusaqarfiusinaasut. Soraarnerussutisiassanik toqqorterinik amerlanerpaatigut ukiorparujussuit ingerlanerini ingerlanneqartarmat SISAp aningaasaliiffigisaasa ilagaat piginneqataassutit aktiat, tassalu aningaasaliiffiit tamakku piffissarpiaq eqqorlugu tuneqqinnissaannut utaqqinissamut piffissaqaraanni pissarsilluaatigineqarnerpaagajupput. SISAp 2009-mi Danske Capital suleqatissarsiarisimavaa, taassumalu aningaasaatitta paaqqutarineranni navianaataasinnaasunillu nakkutilliinitsinni pitsaernerpaatut oqaatigineqarsinnaasumik ikiortarpaatigut.

SISA 2008-mi 145.935 t. kr.-nik amigartooruteqarpoq, ukiumi siuliani 4.272 t. kr.-nik sinneqartooruteqarsimalluni. 2008-mi angusarliornermut nunarsuaq tamakkerlugu aningaasaqarniarnikkut ajornartorsiorneq, akitiat pissarsissutaanerliorujussuarnerannik kinguneqartoq pissutaavoq, angusarli tamanna piffissami qaninnerpaami mumikkumaartoq SISAp naatsorsuutigaa. Akerlianilli SISA obligationiutimigut angusarissaaqaaq, 13,9 %-inik illuanilu 6,2 %-inik pissarsiaqarami. SISA tamaasa katillugit ukiut kingulliit tallimat ingerlanerini aningaasaliissutimigut 2,8 millioninik iluanaaruteqarsimavoq.

Angusat 1999 - 2008



Erniortitsinermi angusat 1999 - 2008

PISINNAATITAAFFITIT ILISIMAKKIT

Aningaasat pissarsiaqaataasut, tassa imaappoq aningaasat SISAp aningaasaliissuteqarnermigut isertitarisai ukiut ingerlanerini nikerarsimapput, aktianillu nioqquteqarnermi tamanna nalinginnaavoq. Aamma taamatulli pissusisamisuuinnarpoq aningaasat pissarsiaqaataasut taakkunanilu nikerarnerit ukiut ingerlanerini arriitsumik annertusiartuaartarmata, pissutigerpiarlugu ilaasortat SISAmut akilersuinerisigut aningaasat aningaasaliissutaasinnaasut amerliartormata. Ukioq maannamut pissarsiffignerpaasarpur tassaavoq 2005, taamanikkut ukiut naanerani 68.223 t. kr.-nik sinneqartoosata.

SISA aktianik obligationinillu pisiortorluni aningaasaliisarnermi saniatigut aamma illuutitut aningaasaliissuteqartarpoq. SISA Nuummi inissiaateqarfinnik marlunnik katillugit arfineq marlunnik inissialarinnik pigisaqarpoq. 2008-mi SISAp aningaasaliiffigaa Ålborgimi illuut allaffeqarfik, taannalu Royal Greenland A/S-imut ukiuni amerlasuuni atuuttussamik isumaqatigiissuteqarluni attartortinneqarpoq. SISA inissiaateqarfinnik allanik pisinissaminik pilersaaruteqanngilaq.

SISAmi kikkut suullu aningaasaliiffigissanerivut isumalioqqutigisarpurput. Taamaammat SISAp illersorneqarsinnaasumik aningaasaliineq pillugu FN-ip najoqqutassai tapersorsorpai, tassalu ilaatigut imaappoq SISA sakkussiorfinnut taavalu suliffinnut meeqqanik sulisoqartartunut aningaasaliisarani.

Aningaaserivinnik aningaasaateqarfinnillu nakkutilliisut, Finanstilsynet, piusaraat soraarnerussutisiassanik aningaasaateqarfiit ajornartorsiulerfintut maanna atukkatsitut ittunut aningaasatigut eqqanaarsimasinnaajumallutik missingiillutik takussutisiissasasut, SISAllumi ajornartorsiornartut anigorluarsimavai, taamalu aningaasanik peqqumaateqarluarami ukiuni aggersuni soraarnerussutisianik tunniussisarnissani ajornartorsiutigissanagu.



Nalunngiliuk:

- *Ilaasortat agguaqatigiissillugit 39-nik ukioqarmata – tamanna ukiut tamakkerlugit taamaattuarsimavoq.*
- *Ilaasortat ataatsip agguaqatigiissillugit ukiumut akiliutaa 1999-imi kr. 2.167-iummat, taannalu 2008-mi kr. 9.805-inut qaffassimammat.*
- *Ukiumut tunngaviusumik erniarititaq 2 %-iummat.*
- *Aningaasaliissutit sinneqartooruteqarfiugaangata aatsaat bonus-imik ernialisoqartarmat.*
- *Ilaasortat allaffissornermut qammammut 8,33 kr-nik SISAmut akiliisarmata, aamma taakkua saniatigut ileqqaakkanut akiliutit 5%-ii allaffissornermut atugassatut ilanngaatigineqartarmata.*
- *Ullut tamaasa agguaqatigiissillugit ilaasortat qulit SISA attavigisarmassuk, oqarasuaatikkut, allakkatigut imaluunniit ornigullutik. Ukiumut natsorsorlugit saaffiginnittut 2500 sinneqartarput.*
- *SISAp ilaasortani kalaallisut qallunaatulluunniit siunnersortarmagit.*
- *Ilaasortat 46 soraarnerussutisianik ingerlaavartumik pisarmata.*
- *Soraarnerussutisiassatut ileqqakkatit internettikkut malinnaaffigisinnaagakkit; www.sisa.gl*

Pisinnaatitaaffitit ilisimakkit

Atuaruk

SORAARNERUSSUTISIAT PILLUGIT MALERUAGASSIAQ

Imaluunniit uani paasissutissarsiorit

WWW.SISA.GL